



Víktima di un krímen violento?

Schadefonds ta ofresé bo un sosten finansiero

Rekonosementu ta fortalesé Komprometé huntu

Kiko Schadefonds ta hasi?

Schadefonds t'ei pa víktima di krímen violento ku pa motibu di esaki a sufri leshon físiko òf daño síkiko serio.

Òf kisas bo ta un próhimo òf pariente di defuntu di un víktima di un krímen violento òf morto pa motibu di un delito di kulpa. Esakinan ta kos ku nunka no mester a sosodé.

Serka Schadefonds bo por entregá un petishon pa un pago di un solo bia. Ku e suma di plaka aki ta rekonosé bo como víktima. Asina Schadefonds ke kontribuí na restablesé bo confiansa den komunitat.

Kiko ta delito violento?

Schadefonds ta wak si un persona a usa violensia kontra bo intenshonalmente òf a menasá ku e lo hasi esaki. Komo víktima, próhimo òf pariente di defuntu di un di e siguiente krímennan violento, ta posibel ku bo por risibí un suma:

- | | |
|-----------------------|-----------------------------------|
| > atrako / ladronisia | > agreshon seksual /
violashon |
| > maltrato | > trafikashon di hende |
| > violensia doméstiko | > menasa ku un arma |
| > stalking | |



Bo ta víktima? Esaki ta e kondishonnan

1 Bo ta víktima di un krímen kometé intenshonalmente

Mester trata di un un krímen kometé intenshonalmente. Esaki ke men ku intenshonalmente a usa violensia kontra bo òf ku a menasá di hasi esaki (pa ehèmpel mira 'Kiko ta delito violento?'). Aksidente pues no ta kai bou di esaki.

2 E krímen a tuma lugá riba òf despues di promé di yanüari 2017

E krímen violento mester a tuma lugá riba òf despues di promé di yanüari 2017. Mester a entregá e petishon denter di 10 año despues ku e krímen a tuma lugá.

3 Bo tin òf tabatin leshon severo pa motibu di e krímen violento

Esaki por ta trata di leshon físiko i / òf síkiko. Ta konsiderá leshon severo si ta trata di leshon ku konsekuensha médiko severo pa largu tempu òf pa semper.

4 E krímen violento a tuma lugá na Hulanda Karibense

E krímen violento mester a sosodé na Hulanda Karibense (Boneiru, Sint Eustatius òf Saba), òf na bordo di un barku òf avion hulandes karibense.

Importante pa sa

- Nunka Schadefonds no ta tuma kontakto ku e malechor
- No ta nesesario ku tabatin un kaso den korte òf un sentensia

5 Bo mes no tin un parti propio den e krímen violento

Nos ta wak bo propio ròl den e loke ku a pasa.
Ehèmpel:

- > abo a usa violensia promé;
- > abo a provoká e otro;
- > abo ta partisipá den aktividat kriminal
(manera bendementu di droga)

Bo tin un parti den e krímen violento? E ora ei ta posibel ku bo no ta haña kompensashon òf un kompensashon mas abou.

6 No ta kompensá e daño na un otro manera

Bo ta haña un kompensashon serka Schadefonds solamente si e malechor òf un kompania di seguro no a kompensá e daño. Si mas despues tòg bo haña plaka di un di e partidonan aki, ta posibel ku bo mester paga e kompensashon di Schadefonds bék (parsialmente).

Bo ta pariente di defuntu?

Bo por entregá un petishon tambe como pariente di un víktima ku a fayesé pa motibu di un asina yamá krímen violento kometé intenshonalmente (por ehèmpel asesinato òf homisidio) òf un asina yamá delito di morto pa kulpa (por ehèmpel si un shofür fuma ku alabes tabata kore muchu duru, kousa un aksidente di tráfiko mortal). Ademas, pa un petishon como pariente di defuntu e kondishonnan 2 i 4 te ku 6 ta na vigor, manera a menshoná bou di 'víktima'.

Bo ta próhimo di un víktima ku leshon severo i permanente?

Bo tambe por entregá un petishon como próhimo di un víktima ku ta heridá seriamente i permanentemente pa motibu di un krímen violento.

Paga tinu! E krímen mester a tuma lugá intenshonalmente i riba òf despues di promé di yanüari 2019. Ademas serka un petishon como próhimo, kondishon 4 te ku 6 ta na vigor, manera a menshoná bou di 'víktima'.

Ken ta pariente di defuntu i próhimo?

Hopi bia ta trata di:

kasá / partner (registrá) / yu / mayor / ruman

E kompensashon: un suma un bia

Bo ta víktima? E ora ei e kompensashon ta konsistí di un suma fiho un bia. Mas serio e leshon, e sirkunstansia- i e konsekuensianan, mas haltu e suma. E kompensashon por varia di €1.000,- te maksimalmente € 35.000,-*.

Bo ta pariente di defuntu òf próhimo? E ora ei bo ta haña un suma fiho di € 5.000,-*. Banda di esaki pa e pariente di defuntu tin un kompensashon èkstra posibel pa gastu di entiero i e daño pa motibu di pèrdida di entrada di e defuntu.

* *Ta paga e suma ku bo tin derechi riba dje na euro i ta buk e riba bo kuenta na dòler. E altura final di e suma na dòler ta dependé di e kambio riba e dia di pago.*



Entregá bo petishon

Ofisina Yudansa pa Víktima por yudá bo ku entrega di bo petishon i tin un formulario digital ku e kolaboradó por yena huntu ku bo.

Bo ta preferá yena e formulario bo mes? E ora ei bo por download e for di nos website. **Paga tinu!** Ta un eksigencia sí ku bo ta identifiká bo mes na Ofisina Yudansa pa Víktima.

Ofisina Yudansa pa Víktima

Ofisina Yudansa pa Víktima ta yuda víktima despues di un krímen, un aksidente di outo, un kalamidat òf ora un hende pèrdè òf disparsé.

Ofisina Yudansa pa Víktima por ofresé ayudo práktiko pa skirbi karta òf yena formulario. E kolaboradó por bai huntu òf duna sosten durante un bishita na dòkter òf polis. Den e área hurídiko Ofisina Yudansa pa Víktima ta duna informashon tokante seguro i prosedura hurídiko. E ayudo ta grátis.

Bo tin pregunta?

Ofisina Yudansa pa Víktima gustosamente ta yudá bo mas aleu:

- > **Bonaire** +599 717 6181
- > **Sint Eustatius** +599 781 0426
- > **Saba** +599 781 0471
- > E-mail: slachtofferhulp@politiecn.com



Bo ke sa mas?

Wak pa mas informashon riba nos website www.schadefondscn.com

Eventualmente bo por tuma kontakto tambe ku Schadefonds na Hulanda oropeo via info@schadefonds.nl